

**COFNODION CYFARFOD
FFORWM DERBYN SIR BENFRO
A GYNHALIWDYD YN OMD1, NEUADD Y SIR, HWLFFORDD
DDYDD IAU, 13 MEHEFIN 2019 AM 8.30a.m.**

PRESENNOL: Mrs D Davies (Cadeirydd) Y Parch H Cale Y Cyng J Davies Mr P Edwards Mr P Harris	Ven P Mackness Y Cyng A Tudor Mrs T Williams Canon B Witt Y Cyng G Woodham
--	--

HEFYD YN BRESENNOL: Mr H Jones (Ysgrifennydd i'r Fforwm)
Mrs Jude Stamp (Cofnodwr)

1. Ymddiheuriadau am absenoldeb

Derbyniwyd ymddiheuriadau am absenoldeb gan:
Kate Evan-Hughes (Cyfarwyddwr Plant ac Ysgolion)

2. Aelodaeth y Fforwm Derbyn

Hysbysodd Mrs T Williams fod aelodaeth y Fforwm bron yn llawn ac eithrio lle cynrychiolydd rhieni-lywodraethwyr sy'n dal yn wag. Mae Mrs Williams wedi cael ei hysbysu y bydd recriwtio ar gyfer y lle hwn yn digwydd yn Nhymor yr Haf 2019. Byddai'r cynrychiolydd hwnnw yn ei le erbyn cyfarfod Tymor yr Hydref a drefnwyd ar gyfer Tachwedd 2019.

Hysbysodd y Canon B Witt y byddai ef yn ymddeol ar ddiwedd y mis ac y byddai'r Parch J Cecil yn cymryd ei le.

Manteisiodd Mrs Davies ar y cyfle i ddiolch i Canon Witt am ei gefnogaeth a'i ymroddiad i'r grŵp.

3. Cofnodion y cyfarfod blaenorol

Cytunwyd bod cofnodion y cyfarfod blaenorol a gynhaliwyd ar yr 21^{ain} o Dachwedd 2018 yn gofnod cywir.

4. Materion yn codi

Eitem 6. Diweddariad ar y Trosglwyddiadau i'r Ysgol Uwchradd ym mis Medi 2018.

Rhoddodd Mr H Jones ddiweddariad ar y trosglwyddiadau i'r ysgol uwchradd ym mis Medi 2018. Roedd y materion a godwyd ynghylch clwstwr Ysgol y Preseli wedi cael eu hystyried ac roedd adolygiad o ddarpariaeth addysg yn Ysgol y Preseli ac ysgolion ei chlwstwr wedi cychwyn.

Eitem 8. Materion Cludiant Ysgol

Adroddodd Mrs T Williams fod llythyrau cynnig uwchradd wedi eu diwygio ychydig i negyddu'r broblem.

**CAMAU
GWEITHREDU**

DB

5. Eitemau Derbyn

Cyngor i Benaethiaid - Ysgolion Sir Benfro

- **Diwrnodiau Blasu:** Adroddodd Mrs Williams ei bod hi'n dod yn gynyddol ymwybodol bod diwrnodiau blasu'n cael eu cynnig i ddarpar rieni cyn i geisiadau gael eu cwblhau. Mae hyn yn achosi problem a hoffai'r Adran Addysg gynghori Penaethiaid i beidio â chynnig diwrnodiau o'r fath os nad oes lle wedi cael ei gynnig yn swyddogol. Esboniodd Mrs Williams fod problem yn codi pan fydd lle'n cael ei wrthod ar ôl i ddiwrnod blasu gael ei roi, a bod hyn yn achosi dryswch i'r rhieni.

Eglurodd Mrs Davies fod y neges wedi cael ei rhoi i Benaethiaid i beidio â chaniatáu diwrnodiau blasu cyn i dderbyniad gael ei gadarnhau. Maent wedi cael eu hysbysu ei bod yn dderbyniol i rieni atw i mewn a cherdded o gwmpas ond dim mwy na hynny.

Esboniodd Mr Edwards yr anawsterau pan fydd ysgolion y clwstwr ar y ffin a rhieni eisiau edrych ar y dewisiadau. Mae rhieni'n gofyn am ddiwrnod blasu yn aml iawn. Eglurir iddynt na ellir darparu hyn i unigolion ond bod yr ysgol yn cynnig diwrnod blasu yn unig ar gyfer y disgyblion hynny sydd yn y clwstwr cynradd.

Holodd y Cynghorydd JT Davies sawl ysgol oedd yn cynnig y diwrnodiau blasu. Eglurodd Mrs Williams, er bod y niferoedd yn eithaf isel, eu bod yn tyfu a bod hyn bellach yn dod yn broblem yn arbennig oherwydd y nifer oedd yn cael eu gwrthod.

Y teimlad yw bod hyn i'w briodoli'n bennaf i ddewis y rhieni ar hyn o bryd.

Cafwyd trafodaeth ynghylch disgyblion yn symud, sy'n cael ei weld yn Ysgolion Hwlfordd ac sy'n peri pryder yn arbennig i'r ysgolion cynradd llai.

PENDERFYNWYD: Ychwanegu cyngor at y Llyfryn Cyngor i Benaethiaid ynglŷn â pheidio â chynnal Diwrnodiau Blasu.

- **Arfer Da:** Bu Mrs Williams yn trafod y broblem a wynebwyd gan yr adran dderbyniadau yn ddiweddar ar ôl marwolaeth plentyn. Bydd cyfarfod o staff amlasiantaethol yn cael ei gynnal yn dilyn marwolaeth annisgwyl plentyn a gelwir hwn yn gyfarfod PRUDIC. Mae Mrs Williams wedi gofyn i'r adran ddiogelu mewn addysg i hysbysu'r adran dderbyniadau pan fydd hyn yn digwydd.
- **Dyddiadau cau ar gyfer ceisiadau am drosglwyddiadau canol tymor:** Bu Mr Jones a Mrs Williams yn trafod y problemau y mae hyn yn ei achosi, yn enwedig wrth nesáu at PLASC. Mae'r adran yn ceisio rhoi ceisiadau drwodd i alluogi ysgolion i

Pwyllgor /
TW


gaffael eu cyllid ond mae angen llai o symud mewn gwirionedd o ran prosesu. Hoffai'r tîm derbyniadau symud oddi wrth drosglwyddiadau ar ddechrau tymor yn unig i newid i bob hanner tymor. Ymdrinnid â symud tŷ fel bo angen.

Bu'r Penaethiaid yn trafod y problemau y maent yn eu cael gyda rhieni nad oes amynt eisiau datrys problemau ar lefel ysgol.

Roeddent yn cydnabod y byddai yna bob amser achosion pan fyddai angen gwneud symudiad os mai hynny oedd yn iawn i'r disgybl ac efallai bod angen cymryd rhai sefyllfaoedd yn ôl eu teilyngdod.

- **Protocolau a Gytunwyd yn Lleol:** Cafwyd trafodaeth ynghylch y cynnydd yn y teuluoedd sy'n symud i mewn i Hwlfordd a lle mae disgyblion yn cael eu gwrthod oherwydd bod mwy na'r nifer llawn wedi eu derbyn. Mae hyn yn arwain at gynnydd yn yr apeliadau. Awgrymwyd y dylai ysgolion dderbyn disgyblion os ydynt yn y dalgylch hyd yn oed os ydynt dros y nifer derbyn er y cydnabyddid y problemau y mae hyn yn ei achosi o ran y cyllid ddim yn dilyn y disgybl yn syth.

Penderfynwyd: Cytunwyd i weithredu'r protocolau o dderbyn disgybl os oedd yn byw yn y dalgylch ond dim ond drwy ymgynghori â'r Pennaeth.

TW/HJ /
Pwyllgor

- **Ysgolion Eglwysig – derbyniad normal o gwmpas dyddiadau cau a dyddiadau cynnig:** Eglurodd Mrs Williams fod rhai ysgolion eglwysig yn dilyn yr un dyddiadau â'r awdurdod lleol ond bod rhai oedd ddim, a gofynnodd a ellid anfon llythyr i'w hatgoffa i ddilyn yr un dyddiadau â'r awdurdod.

Ven
Mackness

6. Polisi Derbyn ar gyfer Canolfannau Iaith

Yn Fforwm yr Iaith Gymraeg cytunwyd i ddatblygu polisi canolfannau iaith. Y gobaith oedd y byddai'r polisi drafft yn cynnwys y cyfan ond mae yna rai problemau sydd wedi codi yn Ysgol Caer Elen. Nid yw'r polisi drafft presennol yn rhoi cydbwysedd rhwng anghenion Ysgol Caer Elen o gymharu â chanolfannau eraill yn Ysgol y Preseli ac Ysgol Bro Gwaun. Er mwyn cael rhywbeth yn ei le erbyn mis Medi gofynnodd Mr Jones a Mrs Williams, pan fyddai gwybodaeth yn cael ei hysgrifennu nesaf ar gyfer y llyfryn, a ellid cynnwys pwynt yn dweud y byddai trosglwyddo i ysgol sydd â Chanolfan Iaith Gymraeg yn cymryd polisi'r Ganolfan Iaith Gymraeg i ystyriaeth, a byddai hyn yn cryfhau'r arweiniad.

Penderfyniad y Pwyllgor: Sylw ychwanegol i'w roi yn y Llyfryn Derbyn yn nodi Polisi Canolfannau Iaith Gymraeg.

Pwyllgor /

TW
JD

7. Diweddariad ar Drosghwyddiadau Uwchradd ar gyfer Medi 2019

Adroddwyd mai ychydig iawn o newidiadau a fu ers y cyfarfod diwethaf. Yr unig ysgol sy'n ymddangos wedi ei gordanysgrifio yw Ysgol Bro Gwaun; roedd hyn yn bennaf oherwydd ceisiadau hwyr.

Esboniodd Mrs Williams lle nad oedd cais wedi cael ei dderbyn, eu bod wedi ysgrifennu at y rhiant/gofalwr ac wedi dyrannu ysgol.

Bu Mr JT Davies yn trafod yr effaith ymhellach ymlaen o gwmpas yr ansicrwydd ynghylch Ysgol Uwchradd VC Hwlfordd a'r angen i'r Awdurdod Lleol fynd i'r afael â hyn.

8. Trefniadau Clercio yn y Dyfodol

Esboniodd Mr Jones fod cyfarfod wedi ei drefnu gyda Gwasanaethau Pwyllgorau i benderfynu a fyddent yn gallu darparu cymorth clericio i'r fforwm.

Ers i'r Cynorthwydd Derbyniadau ymddeol mae pwysau gwirioneddol ar y Swyddog Derbyniadau, sef unig aelod y Tîm Derbyniadau.

9. Adroddiad am Apeliadau Derbyn

Adroddodd Mr Jones ers y cyfarfod diwethaf ar y 26^{ain} o Dachwedd 2018 y cafwyd 26 o apeliadau unigol, ac o'r rhain:

- x3 – Cil-maen (cadarnhawyd).
- x1 – Penrhyn VC (cadarnhawyd)
- x1 – Fenton (cadarnhawyd)
- x5 – Ysgol Uwchradd VC Hwlfordd (cadarnhawyd)
- x1 – Ysgol Caer Elen (gwrthodwyd)
- x3 – Ysgol Gymunedol Doc Penfro (gwrthodwyd)
- x1 – Johnston (gwrthodwyd)

Nodwyd ymhellach y byddai tair apêl arall yn cael eu cynnal ar yr 21^{ain} o Fehefin ar gyfer Ysgol Uwchradd Hwlfordd ac ysgol CP Aberdaugleddau.

10. Dyddiad y cyfarfod nesaf

Cytunwyd y byddai'r cyfarfod nesaf yn cael ei gynnal ar y 7^{fed} o Dachwedd 2019, 8.30a.m. – NW0D

Llofnodwyd fel cofnod cywir


Cadeirydd y Fforwm Derbyn

Dyddiad 13.06.2019